

DISSERTATIO IURIDICA  
DE  
EXCUSIONE  
FENESTRARVM,

Don  
Fenster = Einschmeissen /

QVAM  
EX ILLUSTRIS FACULTATIS IURI-  
DICÆ PLACITO

IN ACADEMIA JENENSI  
PRÆSIDE

IO. PHILIPPO Greiber / Philos. &  
J. U. D. Fac. Phil. Jenens. Adjuncto  
& P. L. C.

Ad diem V. Februarii MDCCI.

*In Auditorio Iureconsultorum*

publicè discutiendam sistet

JOHANNES VVILHELMVS Sander/  
Arnstadia-Thuringus, LL. C.

---

J E N Æ, caractere MVLLERIANO.



THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

# Tradituri id, quod justum est circa excussionem Fenestrarum, proponemus

## 1. Nominis explicationem, nimirum

### 1. Derivationem

{ 1. Vocis: Excussio §. 1.

{ 2. Vocis: Fenestra §. 2.

### 2. Significationem, quatenus \* Excussionis &

\*\* Fenestra vox significant

{ 1. Diversa \* §. 3. §. 4. \*\* §. 5.

{ 2. Idem cum pluribus aliis nominibus. §. 6.

## 2. Considerationem Excussionis Fenestrarum, quoad Rem, in

### { 1. Definitione §. 7.

### { 2. Divisione §. 8. ratione subjecti facta, in ex- cussionem Fenestrarum

{ 1. Reluctante vicino constitutarum, qualis  
est excussio fenestrarum facta ei, qui  
invito vicino proprium parietem,  
non constituta servitute, apernerat  
§. 9. 10. 11. 12.

{ 2. Pace vicini positarum, §. 13. & harum.  
excussionum fenestrarum considerabi-  
mus

THE NATIONAL ARCHIVES

RECORDS OF THE

DEPARTMENT OF THE ARMY

OFFICE OF THE ADJUTANT GENERAL

ADJUTANT GENERAL'S OFFICE

WASHINGTON, D. C.

1914

1914

OFFICE OF THE ADJUTANT GENERAL

WASHINGTON, D. C.

1914

OFFICE OF THE ADJUTANT GENERAL

WASHINGTON, D. C.

1914

Tradituri id, quod justum est  
circa excussionem Fenestrarum,  
proponemus

1. Nominis explicationem, nimirum
  1. Derivationem
    1. Vocis: Excussio §. 1.
    2. Vocis: Fenestra §. 2.
  2. Significationem, quatenus \* Excussionis &  
\*\* Fenestra vox significant
    1. Diversa \* §. 3. §. 4. \*\* §. 5.
    2. Idem cum pluribus aliis nominibus §. 6.
2. Considerationem Excussionis Fenestrarum,  
quoad Rem, in
  1. Definitione §. 7.
  2. Divisione §. 8. ratione subjecti facta, in ex-  
cussionem Fenestrarum
    1. Reluctante vicino constitutarum, qualis  
est excussio fenestrarum facta ei, qui  
invito vicino proprium parietem,  
non constituta servitute, aperuerat  
§. 9. 10. 11. 12.
    2. Pace vicini positarum, §. 13. & harum,  
excussionum fenestrarum considerabi-  
mus

1. *Posteriorem, itidem divisam ratione subjecti, cui  
damnum iniuria datur, in*

1. *Eam, quam passus est is, qui servitutem  
luminum & consimilem in alieno pra-  
dio habet. §. 14. 15. 16.*

2. *Eam, quam passus est is, de quo alii eidem  
in sensu vindictam privatam per tale  
quid commissum sumserunt. §. 14. 17. 18.*

2. *Utramque ratione remediorum, quibus resarcitur  
damnum per excussionem hanc datum, §. 19.  
quæ sunt:*

1. *Actio confessoria, §. 20.*

2. *Actio Legis Aquilia, d. §. 20. & harum actio-  
num vel competit*

1. *Utraque, nimirum ei, qui servitutem  
luminum vel consimilem in alieno  
pradio habet. §. 20. 21. 22.*

2. *Una §. 20. nimirum tantum actio Legis  
Aquilie, §. 23. 24.*

1. *Ei, qui invito vicino fenestras in suo  
pariete, non constituta servitute  
erexerat, & ab hoc earum excus-  
sionem perpeffus est. d. §. 23. 24.*

2. *Ei, de quo alii eidem in sensu per ejus-  
modi factum vindictam privatam  
sumserunt. d. §. 23. 24.*



§. I.



Excussionis nomen ab  
excutiendo, excutere autem  
ab ex & quatio suum ducere  
ortum, vel rudioribus  
constat, æquè, atque, quod  
vox quater notet hefflig  
bewegen/schütteln/excute-  
re : ausschlagen/ ausschüt-  
teln. Hinc excussio est : Das  
Aus Schlagen n

§. II.

Fenestræ vocabulum siue putes esse primiti-  
vum, siue cum Dentzlero in *Clav. Lat. Lingv.* illud  
à Græco : Φαίνεσθαι, lucere, derives, nobis perinde  
est.

§. III.

Excussionis, veluti etiam terminus τὸ excutere,  
*proprie & physice* significat violentum atque reci-  
procum motum, seu actum tamdiu vibrantis, do-  
nec aliquid ita moveatur, ut illud à loco & statu  
obtentio in statum & locum præfinitum pergat.  
Atque secundum physicam hanc & propriam signi-

A

fica-

35 (5) 56  
ficationem in §. 1. germanicè reddita est vox excus-  
sionis.

§. IV.

Impropriè autem, & juridicè notio excus-  
sionis, quæ licet non reperiatur in ll. jam citandis,  
tamen idem ac *excutere*, quod ibi reperitur,  
significat, si infinitivus loco nominis ponatur, vel  
uti in phrasi: *Scire eum nihil est*, & sumitur pro  
diligenti inquisitione, supputatione ac detentione  
facultatum principalis debitoris, per judicem, us-  
que ad peram (ut vocant) & saeculum, id est no-  
visimum quadrantem effecta, eum in finem, ut  
sciatur: an ille sit solvendo? *Bart. in tract. de ex-*  
*cussione pign. Col. 1. vid. l. si plures §. 2. ff. de admin.*  
*& peric. tut. l. Titia §. fin. ff. de manum. testam. l. li-*  
*cet. §. 1. ff. si quis omiff. caus. testa. l. 1. §. si inter, ff. de*  
*magist. convē. l. 1. C. de revoc. his, quæ in fraud. cred.*  
*l. 29. §. si cum debitor. ff. mand.* Hinc est benefici-  
um excussionis. *Nov. 4. Auth. presente, C. de fide-*  
*jussor. & mandatorib.*

§. V.

Etiam fenestræ nomen uno pluribus substat  
significationibus. Nam (1) propriè sumtum signi-  
ficat machinam, ex partibus vitreis, mediante  
plumbo flexili, & jugamento ligneo eum in finem  
constructam, ut parietis aperti spatium seu foramen  
impleat, & per illam locus illuminandus illumi-  
netur. Atque hic significatus in præsentî disserta-  
tione obtinet. (2) Fenestra etiam impropriè sumi-  
tur



tur, pro occasione, quæ aperitur alteri, veluti sumitur in phrasi Terentianâ: Fenestram ad nequitiam alicui patefacere, aperire, einem Türschub/Ursach/Anlaß/Gelegenheit und Anleitung zur Bosheit geben.

§. VI.

Excusio fenestrarum potest etiam appellari violenta elisio fenestrarum, fractio fenestrarum motu durarum materialium effecta. Et fenestraz, si libet, saluari etiam possunt: Machinæ pellucide, ligneo-plumbeo-vitreæ. Saluari insuper solent: *lumina*, in materia de servitute luminum, & servitute: ne luminibus officatur, Titulo de *S.P.P. l. 4. l. 15. l. 17. §. 1. l. 22. l. 23. l. 40. ff. Et junct. l. 1. §. 1. C. d. r.*

§. VII.

Excusio Fenestrarum nobis est actus, quo alterius fenestra per admotas materias duras franguntur, & per hoc illi damnum injuria datur.

§. VIII.

Excusio Fenestrarum sistetur a nobis duplex, nempe: Excusio Fenestrarum reluctantæ vicino parietis nostro immixtarum, & excusio fenestrarum pace vicini in pariete nostro erectarum.

§. IX.

Quod attinet excussionem fenestrarum reluctantæ

Stante vicino parieti nostro immixtarum, (I.) de eâ sequentem formamus quætionem generalem: An v. g. ei, qui, invito vicino, proprium parietem non constitutâ servitute aperuit, apertoque spatio fenestras immittit, an, inquam, ei a vicino reluctantem jussu excutiantur illa fenestra? (II.) Hunc fingimus casum, cui subjungemus specialiore aliquam quætionem: Sempronius servitute luminum sibi non constitutâ, parietem suum aperit, & hujus foramini fenestras immittit, ex quibus in Caji prædium potest inspicere; Cajo, Semproni vicinus, admonet Sempronium, dicens: Se planè non admissurum, ut Sempronius, cum is de servitute luminum sibi constitutâ gloriari non possit, licentiam obtineret, ex novis fenestris negotia aliena contemplandi; & idèd velle se Sempronio nunciatum, quod, nisi amoveret fenestras istas novas, propediem illa futura sint excussa. Sempronius Cajo renunciari jubet: sibi esse liberum, aperire parietem suum, & apertum redintegrare fenestris, quamvis non constitutâ sibi sit in Caji prædio servitus luminum, seque Caji minas nihil curare. Cajo replicat lapidibus, elidendo Semproni fenestras. Quæritur: an Cajo jure excusserit Semproni novae fenestras? & respondetur negativè, arg: l. 9. & ff. de S. V. P. l. 8. 9. C. eod. l. 8. §. 5. ff. si serv. vind. l. 12. §. 2. C. de adif. priv.

## §. X.

Nam, Primo, quamvis vicinus non teneatur, servi-

servitute non constitutâ, excipere lumina nostra, sed illa ædificando in suo possit obstruere; *d. l. 9. ff. de S. V. P.* imò etiam in proprio, ut & communi pariete fenestras fieri prohibere possit, *l. 8. C. de Servit. & aq. l. 40. ff. de S. V. P. add. Scotan. §. 27. tb. 15.* tamen in proprio pariete, invito vicino, quis fenestram facere potest; *arg. antea citatar. l. scil. l. 9. & 15. ff. de S. V. P. l. 8. 9. C. eod. l. 8. §. 5. ff. si servit. vind. l. 12. §. 2. C. de adif. priv. Capoll. de S. V. P. cap. 62. Simon Pistor. 1. Conf. 12. Alex. Raudens. dec. 9. num. 32. Don. & Hillig. 11. Comm. 5. vid. Scotan. citat. D. 17. tb. 16. Carpov. 2. 41. def. 12. Struv. Dissert. de adif. priv. tb. 32. & 35.* Qui enim jure suo, quod jus gentium ad commodum suum absque nudâ æmulatione & hostilitate insequendum concedit, utitur, non videtur damnum dare, *l. 9. ff. de S. V. P. l. 26. de damn. inf. l. 24. §. fin. eod. Fra. Virvius, dec. 306. n. 4. Ern. Cosbmann. 2. conf. 93. n. 36. Nic. Everb. Jun. 1. Conf. ult. num. 5. 6. Aymo Cravetta, Conf. 4. n. 3. Quint. Mand. de inbib. qv. 53.* Et propterea Cajus in casu nostro Sempronii fenestras novas non excusat jure.

## §. XI.

Deinde etiam ex sequentibus apparet: Cajum jure non elisisse Sempronii fenestras. Jus enim civile non permittit in ejusmodi casibus, ut quisque de alio privatam sumat vindictam.

B

Nam,

Nam, per text. l. 14. C. de Judais & cælic. judiciorum vigor, jurisque publici tutela, idcirco videtur in medio constituta, ne quisquam sibi ipsi permittere valeat ultionem. adde l. 38. §. 8. ad L. Jul. de adult.

## §. XII.

Neque juvat Cajum illa Regula: Si quid in nostro vi aut clam edificatum, vel factum est, id vi aut clam destruere possumus, l. 7. §. 3. quod vi aut clam, l. 29. S. ad L. Aquil. l. 27. pr. de S. V. P. l. 22. §. 2. quod vi aut clam, junct. l. 1. C. ut nem. lic. sine jud. aut sign. reb. impon. al. Add. Bartol. in l. 1. §. nunciatio, de nov. op. nunc. Duaren. prel. 2. ad tit. de nov. op. nunc. & L. 2. diff. rap. 40. Cujac. L. 16. obs. 12. Nicol. Valla de reb. dub. tract. 8. n. 1. Bachov. Vol. 2. Diff. 78. tb. 2. lit. g. Speckhan. cens. 3. cl. 3. qv. 23. num. 36. 37. 38. Non, inquam, juvat Cajum regula adducta. Nam (1) non in suo, sed in Sempronii prædio aliquid factum & edificatum erat: (2) rerum nostrarum defensio nonnisi ob urgentem necessitatem concessa est, nam citata l. 7. §. 3. quod vi aut clam, extat: nisi ex magnâ & satis necessariâ causa: alioquin hac omnia judicis officio celebrari oportet. Hinc; quoniam nullum periculum erat in mora, usque dum Cajus adiret judicem, qui judicium suum liti interponeret; certe, nulla necessitas presuit

pressit Cajum, ad festinandum elidere Sempronii fenestras. Et propterea ipse se non potest excusare per Regulam allegatam. (3) Ad hoc, ut id, quod vi aut clam nobis invitis ædificatum vel factum est, vi aut clam destruere possimus, requiritur, ut *ædificatum habeat fundamentum in nostro*, hinc, si quis protectum supra domum alicujus, nullo jure habeat, id recidere non oportet. *d. l. 29. §. 1. ad L. Aquil.* Unde *Duarenus in d. l. 27. de S. V. P.* verbum: *immissum*: explicat ita: *quod immittitur in meum, i. e. quod ita imponitur, ut in imo bareat vel requiescat.* Adde *l. 242. de V. S.* Quoniam itaque nec Sempronii fenestræ habuerunt fundamentum in Caji prædio, ut ibi requiescerent, ideo Cajo licitum non fuit, ut eas excuteret.

### §. XIII.

Hæc sunt, quæ de priori excussionis fenestrarum specie dicta volumus. Jam deveniamus ad posteriorem excussionis fenestrarum speciem, nempe excussionem fenestrarum pace vicini positarum.

### §. XIV.

Ea autem est vel talis, quam passus est is, qui servitutem luminum & similem in alieno prædio habet, vel talis, quam passus est ille, de quo alii eidem infensi vindictam privatam per tale quid commissum sumserunt.

## §. XV.

De illa fenestrarum pace vicini positarum excussione, quā laesus est is, qui servitutem luminum & consimilem in alieno pradio habet, (I) Sequentem quæstionem generalem tradimus: *An ei, qui pace vicini immisit fenestras in ejus pradium, & servitutem luminum aut consimilem in vicini pradio constitutam habet, an, inquam, ei, à vicino servitutem ulterius non concessuro, licitè excutiantur fenestras?* (II) hunc formamus casum specialiore: *Mavius pace Seji crexit in suo pariete fenestras, ex quibus in Seji pradium inspicì datur, & servitutem luminum constitutam habet in pradio Seji; Sejum, utpote vicinum Mavii, paritet concessoris servitutis, & nunciari jubet Mavio, quod ipse nolit amplius admittere, ut Mavius fenestras, & ex illis licentiam sui (Seji) pradium inspiciendi habeat. Mavius eludit Sejum. Quo facto Sejus Mavii fenestris per lapides bonam æsseram apprecatur. Quæritur, an Sejus licite hoc commiserit? & responderetur negando.*

## §. XVI.

Quemadmodum enim servitute constituta in suo solo pro lubitu aliquis ædificare non potest, l. 9. de S. V. P. l. 18. C. de servit. Gail. observ. 69 num. 19. Add. Johann. Sainsonius in consuet. Turenens. Tit. 19. ita etiam, constituta v.g. servitute lumi-

luminum, vicini fenestras violare, non est juri-  
consonum. Nam ea est servitutis natura, ut li-  
berratem in re nostrâ aliâ nobis competentem  
adimat, ita, ut ad alterius utilitatem aliquid in  
nostro pati teneamur vel non facere, *l. 15. §. 1. ff.  
de servit.* Siquid igitur contra servitutem ædi-  
bus alicujus debitam injuriosè extructum aut fa-  
ctum sit; revocandum est prædium à Magistratu  
ad pristinam formam, damni etiam habitâ ratio-  
ne, *l. 5. C. de servit.* Itaque Sejus in casu nostro  
injuriosè excusit *Mævii* fenestras.

### §. XVII.

Simili ratione de illa fenestrarum, pace vi-  
cini positarum, excusione, quam passus est *is*,  
de quo alii, eidem infensi, vindictam privatam,  
per tale quid commissum sumserunt (I) sequen-  
tem casum proponemus: *Cajus & ejus Commili-  
tones Dadalo infensi, excutiunt fenestras hujus,  
pace vicinorum positas: quaritur, an Cajus cum  
suis commilitonibus hoc jussè consummaverit?* Et re-  
spondemus: Admodum quidem jucundus nobis  
est, dum adhuc viridis ætatis personæ sumus,  
tinnitus orbium vitreorum alienorum à nobis  
nocendi animo fractorum, nosque, si in eâ æta-  
tate constituti simus, valdè delectat aspectus  
foraminum cœcorum & vitreis orbibus cum plum-  
bo flexili orborum; melius etiam est: iram suam  
in res inanimatas evomere, quàm animatas & ho-

mines. At, si modo leges nobis hoc indulgent!

§. XVIII.

Nam, præter hoc, quod privata vindicta ejusmodi perpetratum reddit illicitum, juxta *super. cit. l. 14. C. de Judais & cælis*. etiam damnum quod datur, dare prohibitum est, *per §. 13. Inst. de L. Aquil. l. 27. §. 5. ff. ad L. Aquil. l. 40. cum seqq. eod.*

§. XIX.

Quoniam itaque per singulas à nobis consideratas excussionis fenestrarum species damnum alterius patrimonio injustè inferitur; consequens est, ut ipsi supersint remedia, quibus resarcitur damnum per excussionem fenestrarum injuria datum.

§. XX.

Remedia autem illa sunt; Actio confessoria & Actio Legis Aquiliæ. Et harum actionum alio casu competit utraque, alio casu saltem earum una.

§. XXI.

Utraque competit ei, cui servitutem luminum vel consimilem habenti à vicino excussa sunt fenestræ; Nam: ceu superius, §. 16. *circa finem* diximus; siquid contra servitutem ædibus alicujus debitam factum sit, (1) revocandum est prædium à magistratu ad pristinam formam, quam quis intendit actione confessoria, *l. 2. l. 4. §. 2. ff. si serv. vind. §. 2. Inst. de Action.* (2) damni etiam habitæ ratio-

ne



ne, cujus præstationem æstimationis ipse impetrare potest per actionē legis Aquiliæ, *sup. cit. loc. 51. 15. C. de servis.*

## §. XXII.

Quemadmodum enim Actio Legis Aquiliæ competit cuivis, cujus patrimonium dolo aut culpa deminuitur, nimirū civis, cujus res aliqua injuste uritur, vel frangi ur, vel scinditur, aliove modo corrumpitur, *l. 2. pr. l. 5. pr. l. 11. §. 6. ad L. Aquil. princ. Inst. de injur. jong. super. citat. §. 13. Inst. de L. Aquil. l. 27. §. 5. 6. ff. ad L. Aquil. l. 40. cum seqq. ff. eod.* Ita etiam Legis Aquiliæ actio competit ei, cui servitutem luminum aut consimilem in vicino prædio habenti excussa sunt à vicino fenestraz. *arg. l. citat. & præterea arg. l. 21. §. ult. & seqq. ff. ad L. Aquil. §. 10. Inst. de L. Aquil. ubi Baccov. vid. insuper l. 21. §. ult. l. 22. l. 23. l. 29. §. 3. l. 37. §. 1. ff. ad L. Aquil. add. Job. Thom. c. 12. num. 42. tract. de nox. animal.*

## §. XXIII.

Una illarum actionum, nempe actio Legis Aquiliæ tantum competit (1) ei, cui fenestras in suo pariete, non constitutā servitute erigenti, vicinus reluctans fenestras excussit; *arg. text. §. præc. citat.* (2) ei, de quo alii eidem infensi vindictam privatam sumerunt per excussionem fenestrarum. *arg. text. §. præc. 22. citator.* Cum enim his casibus pars læsa non habeat servitutem luminum constitutam, hinc actio confessoria eidem

dem non potest competere. *arg. ll. supra. §. 21. n. 1  
citatar.*

§. XXIV.

Ceterum non solum præstationem simplæ  
æstimationis damni pars læsa in casibus nostris à Ju-  
dice petere potest, sed etiam petere, ut contra  
infruantem æstimatio illa simpla duplicetur, *l. 2.  
§. 1. l. 23. §. 10. ff. ad L. Aquil. l. 4. C. eod. Add. Perez.  
num. 16. Bachov. tb. 10. lit. e.* Unde pœnalis, non  
quidem simplex, sed mixta dicitur illa actio. *l. 23. §.  
8. ff. ad L. Aquil. junct. §. 19. Inst. de action. vid.  
Bachov. D. 5. de act. tb. 21.*

T A N T U M.



V41152 1595